



REPUBLIKA E SHQIPËRISË  
KËSHILLI I MINISTRAVE

V E N D I M

Nr. 687, datë 18.11.2021

P Ë R

**DISA SHTESA DHE NDRYSHIME NË VENDIMIN NR.138,  
DATË 12.3.2014, TË KËSHILLIT TË MINISTRAVE, "PËR  
RREGULLAT E ORGANIZIMIT E TË FUNKSIONIMIT  
TË SHKOLLËS SHQIPTARE TË ADMINISTRATËS PUBLIKE  
DHE TRAJNIMIN E NËPUNËSVE CIVILË", TË NDRYSHUAR**

Në mbështetje të nenit 100 të Kushtetutës dhe të neneve 8 e 9, të ligjit nr.152/2013, "Për nëpunësin civil", të ndryshuar, me propozimin e Kryeministrit, Këshilli i Ministrave

V E N D O S I:

Në vendimin nr.138, datë 12.3.2014, të Këshillit të Ministrave, të ndryshuar, bëhen shtesat dhe ndryshimet, si më poshtë vijon:

1. Titulli i vendimit ndryshohet dhe bëhet "Për rregullat e organizimit e të funksionimit të Shkollës Shqiptare të Administratës Publike, trajnimin e nëpunësve civilë, si dhe të çdo individ tjetër jashtë shërbimit civil."
2. Shkronja "f", e pikës 11, të kreut I, ndryshohet, si më poshtë vijon:  
  
"f) lëshon vërtetimin për ndjekjen, me sukses ose jo, të programeve të trajnimit në ASPA;"
3. Në kreun III bëhen këto shtesa dhe ndryshime:

a) Pika 8 ndryshohet, si më poshtë vijon:

“8. Personat jashtë shërbimit civil, që me iniciativën e tyre dëshirojnë të ndjekin programin e formimit të vazhdueshëm dhe përzgjidhen nga ASPA, për këtë qëllim, paguajnë 3 000 (tre mijë) - 7 000 (shtatë mijë) lekë për kurs trajnimi, në varësi të kohëzgjatjes së kursit.”.

b) Pas pikës 9 shtohen pikat 9/1 dhe 9/2, me këtë përmbajtje:

“9/1. Nëpunësit e administratës publike jashtë shërbimit civil trajnohen nga ASPA nëpërmjet programit të formimit të vazhdueshëm, për veprimtari administrative të lidhura ngushtësisht me detyrën, trajnime të cilat përcaktohen nga institucioni ku janë të punësuar apo nga institucione të tjera përgjegjëse për fusha të caktuara.

9/2. Nëpunësit, sipas pikës 9/1, të këtij kreu, trajnohen me fonde të buxhetit të shtetit, duke akorduar në buxhetin vjetor të ASPA-s fonde për këtë qëllim. Për të planifikuar fondet e nevojshme, ASPA bashkëpunon me institucionet që kanë nevojën për këto trajnime.”.

c) Pas pikës 11 shtohet pika 12, me këtë përmbajtje:

“12. Paga për kurs trajnimi llogaritet në përpjesëtim me orët e trajnimit.”.

4. Në kreun VI bëhen shtesa dhe ndryshimet e mëposhtme:

a) Në pikën 1 shtohet shkronja “ç”, me këtë përmbajtje:

“ç) Kontratë për vlerësimin e cilësisë së kurrikulave dhe materialeve të trajnimit.”.

b) Pika 2 ndryshohet, me këtë përmbajtje:

“2. Trajnerët me të cilët lidhet kontrata, sipas shkronjës “b”, të pikës 1, të këtij kreu, ndahen në kategoritë e mëposhtme:

a) Trajnerë të kategorisë së ulët, trajnerët që kanë një diplomë “Master i shkencave” ose “Master i arteve” ose “Master professional, të përfutur në fund të studimeve të ciklit të dytë, me 120 kredite dhe me kohëzgjatje normale 2 vite akademike” apo të barasvlershme me to, sipas



- legjislacionit të arsimit të lartë, dhe 3-5 vite përvojë pune në fushën përkatëse për të cilën do të ofrojnë trajnimin;
- b) Trajnerë të kategorisë së mesme, trajnerët që kanë një diplomë “Master i shkencave” ose “Master i arteve” ose “Master profesional të përfutur në fund të studimeve të ciklit të dytë, me 120 kredite dhe me kohëzgjatje normale 2 vite akademike” apo të barasvlershme me to, sipas legjislacionit të arsimit të lartë, dhe 6-10 vite përvojë pune në fushën përkatëse për të cilën do të ofrojnë trajnimin, ose trajnerët që kanë një diplomë postmaster apo të barasvlefshme me të, sipas legjislacionit të arsimit të lartë, dhe, minimalisht, 3 vite përvojë pune në fushën përkatëse për të cilën do të ofrojnë trajnimin;
- c) Trajnerë të kategorisë së lartë, trajnerët që kanë një diplomë “Master i shkencave” ose “Master i arteve” ose “Master profesional të përfutur në fund të studimeve të ciklit të dytë, me 120 kredite dhe me kohëzgjatje normale 2 vite akademike” apo të barasvlershme me to, sipas legjislacionit të arsimit të lartë, dhe mbi 11 vite përvojë pune në fushën përkatëse për të cilën do të ofrojnë trajnimin ose trajnerët që kanë një gradë apo titull shkencor;
- ç) Trajnerë të kategorisë së veçantë, trajnerët që plotësojnë kriteret e mëposhtme:
- i. Kanë një diplomë të arsimit të lartë apo të barasvlershme me të, sipas legjislacionit të arsimit të lartë;
  - ii. Jetojnë dhe punojnë jashtë Shqipërisë apo janë kthyer në Shqipëri jo më herët se 2 vjet nga momenti i kontraktimit nga ASPA; dhe
  - iii. Kanë të paktën 3 vite përvojë pune në institucione/organizata/kompani ndërkombëtare jashtë vendit, të lidhura me fushën përkatëse për të cilën do të ofrojnë trajnimin.”.

5. Pika 3 ndryshohet, si më poshtë vijon:

“3. Trajnerë me të cilët lidhen kontratat e parashikuara në shkronjat “a”, “c” dhe “ç”, të pikës 1, të këtij kreu, zgjidhen:

- a) individët që kanë një diplomë “Master i shkencave” ose “Master i arteve” ose “Master profesional të përfutur në fund të studimeve të ciklit të dytë, me 120 kredite dhe me kohëzgjatje normale 2 vite akademike” apo të barasvlefshme me to, sipas legjislacionit të arsimit të lartë, dhe një përvojë pune në fushën përkatëse për të cilën do të ofrojnë trajnimin e trajnerëve ose do të hartojnë kurrikulat/materialet trajnuese ose do të vlerësojnë cilësinë e kurrikulës së trajnimit dhe

materialeve trajnuese, më të madhe se 11 vjet apo kanë një gradë shkencore apo titull akademik, ose;

b) individët që plotësojnë kriteret e mëposhtme:

- i. Kanë një diplomë të arsimit të lartë apo të barasvlershme me të, sipas legjislacionit të arsimit të lartë;
- ii. Jetojnë dhe punojnë jashtë Shqipërisë apo janë kthyer në Shqipëri jo më herët se 2 vjet nga momenti i kontraktimit nga ASPA, dhe;
- iii. Kanë të paktën 4 vite përvojë pune në institucione/organizata/kompani ndërkombëtare jashtë vendit, të lidhura me fushën përkatëse për të cilën do të ofrojnë trajnimin e trajnerëve ose do të hartojnë kurrikulat/materialet trajnuese ose do të vlerësojnë cilësinë e kurrikulës së trajnimit dhe materialeve trajnuese.”.

6. Në shkronjën “a”, të pikës 4, fjalët “... të pikës 1, të kreut V, të këtij vendimi ...” zëvendësohen me “... të pikës 1, të këtij kreu ...”.

7. Shkronja “b”, e pikës 4, ndryshohet, si më poshtë vijon:

“b) për kontratat e parashikuara në shkronjën “c”, të pikës 1, të këtij kreu, masa e pagesës për hartimin e kurrikulave apo të materialeve të trajnimit, të nevojshme për zhvillimin e 6 orëve 60-minutëshe trajnimi të jetë:

- i. 12 000 (dymbëdhjetë mijë) lekë për trajnerët që plotësojnë kriteret e parashikuara në shkronjën “a”, të pikës 3, të këtij kreu;
- ii. 15 000 (pesëmbëdhjetë mijë) lekë për trajnerët që plotësojnë kriteret parashikuara në shkronjën “b”, të pikës 3, të këtij kreu.”.

8. Pas shkronjës “b”, të pikës 4, shtohet shkronja “b/1”, me këtë përmbajtje:

“b/1. për kontratat e parashikuara në shkronjën “ç”, të pikës 1, të këtij kreu, masa e pagesës për vlerësimin e cilësisë së kurrikulave apo materialeve të trajnimit të nevojshme për zhvillimin e 6 orëve 60-minutëshe trajnimi të jetë 10 000 (dhjetë mijë) lekë.”.

9. Shkronja “c”, e pikës 4 ndryshohet, si më poshtë vijon:

“c) në rastet e hartimit apo vlerësimit të cilësisë së kurrikulave apo të materialeve të trajnimit për më pak ose më shumë se 6 orë trajnimi 60 - minutëshe pagesa llogaritet në përpjesëtim me orët e trajnimit.”.



10. Në lidhjen nr.1, që përmendet në shkronjën “a”, të pikës 4, të kreut VI, të shtohet një rresht me këtë përmbajtje:

|                                   |                                        |
|-----------------------------------|----------------------------------------|
| trajnerë të kategorisë së veçantë | 3 000 lekë/orë 60 - minutëshe trajnimi |
|-----------------------------------|----------------------------------------|

Ky vendim hyn në fuqi pas botimit në “Fletoren zyrtare”.

**KRYEMINISTRI**

**EDI RAMA**

NR.PROT. 4407/1  
DATË 10.11. 2021

KRYEMINISTRISË  
TË GJITHA MINISTRIVE DHE INSTITUCIONEVE  
TË TJERA QENDRORE  
SHKOLLËS SHQIPTARE TË ADMINISTRATËS  
PUBLIKE  
DEPARTAMENTIT TË ADMINISTRATËS PUBLIKE  
QENDRËS SË BOTIMEVE ZYRTARE

Sekretari i Përgjithshëm

Engjëll AGAÇI

